



Plata dla Ploania Antermëia Sant'Antone Abat

Ploian: **siur Klaus Sottsass**
E.mail: klsottsas@rolmail.net
Curat: **siur Paul Campeï**
E-mail: campei.paul@rolmail.net

Calonia: 0474/520012
Siur Paul: 380 7345533
Siur Klaus: 344 1554055

UNITÉ PASTORALA



VAL BADIA
www.unitepastorala.org

Ann C

**19.06.2022 - 26.06.2022 - GRAN FESTA D'LES
ANTLÈS - CORPUS DOMINI**

n. 30

Past de comunanza cristiana

 **Gen 14, 18–20 | 1 Cor 11, 23–26 | Lc 9, 11b–17**

Dal Vangele do San Lùca:

Te chël tëmp ^{11b}ti cuntâ Gejù al popul dl règn de Dî y varî düc chi che â debojëgn de so aiüt. ¹²Canche le dé jô a fin, él gnü i dodesc da d'ël y à dit: Ürtia demez la jënt, ch'ai vais ti paîsc y ti lüsc incëria, y ciafes dailò alberch y val' da mangé; deache chilò sunse te n post desman. ¹³Al à respognü: Dedi os val' da mangé! Ai à dit: I n'un nia, ater co cin' pans y dui pësc; i messësson naôta jì nos instësc a ti cumprè da mangé a dōta chësta jënt. ¹⁴Al ê incër cin' mile ëi. Al ti à respognü a sù discepui: Dijedi, ch'ai dess se sentè adöm te gröms da cincanta. ¹⁵I discepui à fat cí ch'al ti à dit, y à ciarè che düc se sentass. ¹⁶Gejù deperpo à tut i cin' pans y i dui pësc, à ciarè sö a cil, i à benedì y i à rumpì; spo ti ai àl dè ai discepui, ch'ai i partiss fora ala jënt. ¹⁷Y düc à mangé y é gnüs pasciüs. Do ch'an â albü coiü adöm i toç de pan avanzà, n'ël dodesc cësc.



Oraziun dl de

Periun! Signur Gejù Crist, te chësc sacramënt prezios dl altè nes aste lascè indô le recort de tüa pasciun y ressozeziun: dassè la grazia de venerè i misters de to corp y de to sanch aladô ch'i podunse tó pert ai früc dla redenziun. Tö che t'es Dî y vires y regnëies cun Dî Pere, tl'unité dl Spirit Sant, por düc i secui di secui.

 **Letöres dla GRAN FESTA DL CÖR DE GEJÚ:
Ez 34, 11–16 | Rom 5, 5b–11 | Lc 15, 3–7**

Edema liturgica dai 19.06. ai 26.06.2022

2022	Ora	Mëssa
FESTA DLES 19.06 ANTLES (Eucarestia) <i>oferta por paié</i> <i>l'orghelist</i>	9.30 10.00	Corona a onur dl Eucarestia Prozesciun eucaristica y Mëssa solena a onur dl Eucarestia por la comunité 2^a de sop. + Vijo Agreiter ++ Sepl y Iule Chizzali
LÖNESC 20.06	8.00	s. Mëssa ++ fam. Prada
MERTESC 21.06 <i>s. Luije da Gonzaga</i>		
MERCUI 22.06 <i>ss. John Fischer</i> <i>y Thomas Morus</i>	7.30	s. Mëssa + Maria Zingerle ++ Pire y Linda Sottrovisch
JÖBIA 23.06 <i>nativité de s.Jan</i> <i>Batista</i>		
VENDRES 24.06	7.25	s. Mëssa + Rosalia Agreiter ++ Sepl y Frieda Deiacó
SABEDA 25.06	18.00	s. Mëssa prefestiva 3^a de sop. + Vijo Agreiter ++ Loise y Tin Castlunger
FESTA DL 26.06 CÖR DE GEJU <i>(a Rina festa di 50 agn</i> <i>prou de siur Paul)</i> <i>oferta por paié</i> <i>l'orghelist</i> <i>füc da sèra</i>	8.45-9.45 10.00	Ora d'adoraziun por düc (ores) Prozesciun eucaristica y Mëssa solena a onur dl Cör de Geju por la comunité



Informaziuns y terminns

Al vëgn l'gran laur da d'isté: sides por i paurs, che por chi che laora tl turism, y al é la sajun olache an se god les vacanzas (Urlaub), olache an ciafa vöia da ji sö pur munt, al mêt, de fa iadi, da ji a vijité posc y manifestaziuns. Porchël é l'osservanza dla domënia dër al prigo. I martiri de Abitene dijô: „Sine Dominico non possumus “zënza domënia ne podunse nia vire.“ Orun tigní la domënia, ince sce al costa val sforz. Al ne é dessigü nia tëmp pordü. Y sce ara ne va propi nia la sabeda/domënia spo podessun magari ji val dé ia por l'edema. Al é dagnora na desmostraziun dl'apartegnënza al popul de Dî y dl sentimënt religius che an à.

N bel dilan por la spenura fata por la dlijia in ocasiun dla sopoltöra dl + Vijo Agreiter dala fam. Pepi Schanung, Curjel. Dilan!

INVIT a düc i geniturs che á na picia müta, o n pice möt da batié, pêrs che aspeta, toc y totes de nosc Decanat, ala **preparaziun dl Bato**, che vëgn tignida en sabeda ai 9 de messé, 2022, dales 15.00 ales 17.00, tl salf de colonia, a CORVARA. Se inconfortun da se udëi tröc partecipanc y stlüjarun jö cun sté ciamó n pü adüm a s'la cunté y cun n pic renfresch, che l'Uniun dles ëres da Calfosch nes arjignará ca, y ti dijun bel danfora n bel Giulian! Prenotaziuns al numer 328/0717796.

In domënia, ai 26 de jügn él dales 16:00 a **La Val**, Dlijia Vedla, la **inauguraziun y benedisciun dl labirint** cun l'espert Gernot Candolini y siur Degan Iaco Willeit. La festa vëgn abelida da n trio de archëc y da n pice teater. Düc é dër bel inviá, ince sce al é bur tëmp!

La **Crusc Blanca da Al Plan** inviëia düc i interescia ai 01 de messe dalles 20:00 tal salf dla Cassa Raiffeisen a Al Plan, a na sëra de informaziun sura le laur dai voluntars pro la Crusc Blanca te vitgne settur. Al se fajes dër plajëi da ves udëi in tröc. Vi ince tö, tolete n/na cumpagn/a para y devente voluntars.

Comun – Coriera sön Börz – Dala sabeda, 18.06.2022 inant cina ai 4 de setëmber 2022 jarál vigni ora na coriera da Picolin cina sön Börz; la pröma pëia ia da Picolin (staziun lift) dales 8.08, la secunda dales 8.38 y spo vigni ora cina les 16.38; zuruch vëgnera dales 8.50, 9.50 y.i.i. La coriera stará chita pro vigni fermada sce al è zacai.

La **farmacia Pütia** é stlüta dal 19.06. al 26.06.

La **doturia Grete Mahlknecht** é demez dai 23 cina ai 29 jugn. Ara vëgn sostituida dal dotur Eduard Agreiter 333 13 80 852.




Le **dotur Agreiter Edo** è tl mëis de jügn t'ambulatore a Antermëia vigni dedemesaledema dales 17.00 ales 18.00 impede le lönesc (deache la strada Rina – Antermëia è stlüta ia por le de).



Es ist leider oft so: Die Reichen werden reicher, die Armen immer ärmer. Das Evangelium von der Speisung der Menge erzählt von einem anderen Modell: Die erfolgreiche Alternative des Teilens. Ganz wenig für ganz viele. Alle bekommen Anteil an den Gaben des Schöpfers, und alle freuen sich am Beschenktsein, Teilen und Weiterschicken. Nicht die anonymen Kräfte des Marktes regeln die Befriedigung der Bedürfnisse, sondern Menschen mit Namen und Gesicht erkennen den Mangel als ihre Verantwortung für eine gerechte Verteilung.

L’Vangele de Gejú é scrit por nosta vita reala, porchèl ne podunse nia l’ascogne. Porchèl junse fora cun le Santiscim fora sòn les strades, fora tla vita da vignide. Gonot è chësta vita caraterisada da egoism y da orèi avèi. Cun l’eucarestia ti mostrunse al monn n ater ordinamënt dl amur, partí y dediziun. En la festa dles Antles junse cun chësta alternativa sòn plaza. Te chësc ater ordinamënt regnëia benedisciun, la benedisciun de Dî.

Mësses a Rina:	Dom 8.00	Dedol 19.15	Jöb 7.30	Sab	Dom
Mësses a San Martin:	Dom 8.15	Dedol 19.00	Jöb 7.30	Sab 20.00	Dom 9.30

	20.06 - 25.06.2022	Raphael A. - Samira
	26.06.2022	Thomas - Joel C. - Lisa - Karol
	25.06.2022	Annamaria Daverda
	26.06.2022	---
	<p>Les mius aodanzes por le compliagn ti fajunse a Zingerle Giovanna (79) . Döt le bun.</p>	

Impressum:

Comunicaziuns:

Download:

Ploania Antermëia - redaziun Carlo Piazza
 cina la jöbia sëra a carlo.piazza@hotmail.com | 0474 520044 o 3803520465
www.unitepastorala.org | www.comun.sanmartindetor.bz.it